

جَزَنَكْ عَجَاكِرْ

جمعه ایرتسی

نومرو	شوال	سنه	شباط	سنه	صحیفه
۱۰۶۹	۱۷	۱۳۱۷	۵	۱۳۱۵	۱۵۴۲۱

(اشبو غزته بهر هفته جمعه ایرتسی کونلری ییقلار . نه لکی درسعات ایچونه مجیدیه بکرمی غروسه)
 (مسایله التمه غروسه . طره لر ایچونه اونه بسه غروسه یوسه اجرتی ضم اولنور . بهر)
 (نسو سی نه مجیدیه بکرمی غروسه اولور اوزره یوزیارهیه هیرده صایلور . درج اولنه جوه اعلا ناک)
 (هیرنده بر مجیدیه اخذ اولنور . نه لکه مشتری اولور استیاندلر عدلیه نظارتی دایره منده لایحه جریده)
 (محاکم اداره نه مراجعت ایلملیر .)

قبریه می

(فی ۱۰ رمضان سنه ۳۱۷ وفی ۳۰ کانون اول)
 (سنه ۳۱۵ تاریخیه عموم ولایات استیناف)
 (محکمه سی مدعی عمومیلرینه ومدعی عمومی)
 (بولنمیان محللر مدعی عمومی معاونلرینه)
 (یازیلان تحریرات عمومی صورتیدر)

اولوق و صمانلق و بوجک خانه لک احراقنده

بدلنک قری اهایلسنه قسامه صورتیه تضمین
 ایتدیرلسی حقنده اتخاذا و دوت باغچه لرینه
 وزیتونلکرایله اوزوم باغلرینه و انجیرلکله
 تعیم اولسان اصولک اریک باغچه لرینه ده شامل
 طوتلسی خصوصنه داخلیه نظارت جلیله سنک
 اشعار اوزرینه شورای دولت قرار یله
 بالاستیدان اراده سنیه حضرت پادشاهی شرف تعلق
 بیورلدینی بیان عالیسیله اقتضاسنک ایفاسی وارد
 اولان فی ۱ تموز سنه ۳۱۵ تاریخلی تذکره سامیه
 صدارتیناهیده اشعار کیفیت هر طرفه تبلیغ و ازبار

قلندینی کبی اشبو تحریراتک نسخ مطبوعه
کافیه سی لفا تسیار ایدلش اولغله اکا کوره ایفای
مقتضای سیاقده شقه ترقیم اولندی .

(فی ۷ شوال سنه ۳۱۸ وفی ۲۶ کانون ثانی سنه)
(۳۱۵) تاریخیه بالجمله ولایات شاهانه استیناف)
(مدعی عمومی لکربنه ومدعی عمومی بولمیان)
(محلل مدعی عمومی معاونلرینه یازیلان)
(تحریرات عمومی صورتیدر)

مأمورین عدلیه نك ترفیع وترقیلری
کندولرینك طلب واستدعاسنه لزوم کورنمکسزین
احوال ووقوعات مجله لری قیدینه مراجعتله تبین
ایدن قدم واهلیتلرینه نظراً صره سیله اجرا
قلمقمده بولندینی واسباب صحیه دن ناشی بجایش
وتحول طلبنده بولسانلرک دخی علی الاصول
رسمی بر استدعای نامه تنظیم واملا وطیب راپوربله
زمان اداره سی معاملاتنی ناطق دفترى مذکور
استدعای نامه یه ربط ایله نظارتیه قارشو واسطه

ومخبره اولان استیناف مدعی عمومیلرینه اعطا
ایتملری مکرراً ایجاب ایدنلره تبلیغ قلمش وبوکبی
خصوصات ذاتیه یه متدائر بولسان اوراقلک رسم
تمغا قانونه تابع اولسنه نظراً پول وضع والصادق
ایدلیان ویاخود صورت غیر رسمیه ده کوندریلان
استدعای نامه لرك موقع معامله یه وضع اولنهمیه جنی
امور معلومه دن بولنش اولدینی حالده مأمورین
مومی الیه مک اکثریسی طرفدن ترفیع ویا تحویل
مأموریت طلیسه یولسز اوله رق غیر رسمی
صورته واصل مخبره خلاقمده طوغریدن
طوغریه یه محررات خصوصیه کوندلرک کبی
مخالف قاعده تشبثاتک دوام ایدلمکده اولمسندن
ناشی تبلیغات سابقه نك تأکیدینه لزوم کورندیکندن
نظار اعتباره الهمیه جنی درکار اولان بوکبی
محررات خصوصیه وپولسز استدعای نامه ارسالیله
احوال متخذه سنه مغایر حرکاتدن بعدازین توقی
اولنمسنك اقتضا ایدنلره اکیدا تبلیغی وتحویل
وبجایش استدعاسنده بولنه جقلرک دخی بالاده
بیان اولندینی اوزره طیب راپوربله مدت
مأموریتی معاملاتنی ناطق دفترک اولبایده کی
استدعای نامه سیله برلکده تسیار وبجایش مأموریتجه
بر محذور اولوب اولدینك علاوه اشعارى
اخطاربله واشبو تحریراتک لازم کلنلره

لاجل التبلیغ نسخ کافیه سنك کوندلرلیکی بیانبله
شقه مخصوصه ترقیم قلندی .

قسم غیر رسمی

شیله قضاسنده ساکنه کزبان خاتون ایله
قضاء مذکورده مقیم سواری زاندارمه نفری
بوشناق محمد اغا بیننده متکون دعوایه دائر شیله
بدایت محکمه سنندن ۸ مارت سنه ۳۱۳ تاریخی
واوتوز بر عددی ایله ویریلان اعلام مزبوره
کزبان خاتون طرفدن تمیز ایدلمکله اعلام مذکور
طرفینك اعتراض و جواب لایحه لرله بالمطالع
تدقیقات تمیزیه اجراسته ابتدار اولندی

اعلام مذکورک خلاصه مالى مزبوره
کزبان خاتونك شیله نك بالیك محله سنده متصرفه
اولدینی خانه سنك اوکنده کی عرصه سنه مرقوم
محمد اغانك تجاوز وقبو کشادایله کلوب کچدیکندن
بجمله تجاوز و مداخله واقعه نك منعی حقنده

اقامه ایلدیکی دعوایه قارشو مرقوم محمد اغا
منازع فیه عرصه قان پدری بکرک اولوب
کندوسنك برکونه علاقہ سی اولدینغی وکندوسی
مذکور عرصه یه متصل خانه ده ایچ کوکیسی
اوله رق اون بش سنه دنبرو برلکده اوتوردقلمی
بیان وانبا ایتیمی جهتیله مدعی مزبوره اوچ
سنه دنبرو مرقوم محمد اغا ایله محاکمه اولوب
کندوسنی اضرار وحدودینه دخی تجاوز
ایتدیکندن انك قبول خصوصیتله منع مداخله سی
بشکار ادا ایلسی اوزرینه بوجهت بالندا کره
مرقوم محمد اغانك خصوصیتی بالقبول سبق ایدن
محاکمه وتدقیقات نتیجه سنده مدعی مزبوره نك
محل منازع فیه بالاستقلال ادعای تصرف ایتمکده
اولسیله پنه سی اوله اولدینغدن مزبوره طرفدن
شاهد اقامه و استماع اولنش ایسه ده اقامه
اولنان شهودك افاداتنده تناقص وقوعولسنه
ومدعی مزبوره بشقه شاهدی اولدینی جهتیله
خصم نك تحلیفی طلب و مدعی علیه محمد اغا
دخی تکلیف ایدیلان یمینی بالقبول ادا واجرا
ایتمسنبه منازع فیه طریقدن هرایکسینك برلکده
مرور وعبورینه هیچ بریسی طرفدن مداخله
ایدلامسنه حکمدن و مستدعی مزبوره کزبان
خاتونك اشبو حکم علیهنده لایحه سنده محرر

اعتراضاتك باشلوجہ سی کندوسی محل منازع فیہ
باشند او توز سہ دنبرو متصرف اولوب خصمی
ایسہ تصرفی حقندہ برکونہ اوراق بیلہ ابراز
ایتمدیکی حالہ محکمہ جہ بویولده بر حکم ویرلسی
مغایر قانون اولدیغندن بحثلہ اعلامک نقضی
ولایحہ جوابیہ مؤداسی دخی اعتراضات
مسرودمک غیر وارد اولدیغنی بیانیلہ ردی
واعلام مذکورک تصدیقی استدعاسندن عبارت
بولنمشدر

ایجابی مذاکرہ اولندقدہ اعلام مذکور
مندرجاتندن مفہم اولدیغنی اوزرہ مدعی علیہ
محمد اغا منازع فیہ عرصہ قائم پدرینک اولدیغنی
و کندوسنک بر علاقہ سی اولدیغنی عند الحاکمہ
بیان ایتمش اولسنہ کورہ مدعیہ مزبورہ کزبان
خاتونک محمد اغانک قائم پدری بکردن اقامہ دعوی
ایتمسی لازم کلورایکن محکمہ جہ مرقوم محمد اغانک
قبول خصوصیتلہ محاکمہ اجرا و قرار میز بہک
اعطا اولنسی مغایر قانون اولدیغنی بناءً اصول
محاکمہ حقوقیہ قانونک ایکوز قرق برنجی
مادہ سی موجبہ اعلام مذکورک نقضہ و قانون
مذکورک ایک یوز قرق دردیجی مادہ سی حکمنہ
توفیقاً کیفیتک مرقوم بکر اغانک خصوصیتلہ رؤیتی
ضمنندہ محکمہ مذکورہ اعادہ سنہ وزیرہ

مفرداتی محرر اوچوز سکسان سکز بچق
غروش مصارف تمیزیہ نک ایلرودہ حقسر
چیقہ جق طرفہ رجوع ایتمک اوزرہ اول امردہ
مستدعیہ مزبورہ کزبان خاتوندن الخمسنہ ۱۲
تموز سنہ ۳۱۳ تاریخندہ متفقاً قرار ویرلدی .

جبل لبنان استیناف محکمہ سندن ۱۰ مارت
۳۰۹ تاریخی ویدی عددی ایلہ ویریلان اعلامک
تمیزی استدعا ایدن زحلہ قصبہ سی اہالیسندن
یوسف موسی الذمار وکیلی اسکندر طراد افندی
یوم معیندہ دائرہ بکیش ایسہ مدعی علیہ قصبہ
مذکورہ مقیم طنوس نیقولہ کلدیکندن وکیل
موسی الیہک ایضاحات شفاهیہ سی استماع قلنہرق
تدقیقات تمیزیہ اجراسنہ ابتدار اولندی

اعلام مذکورک خلاصہ مالی مرقوم
یوسف الذمارک زحلہ قصبہ سندن کائن متصرف
اولدیغنی خانہ سی باغچہ سندن مزبور طنوسک
احداث ایلہ جریان ایتدیردیکی لنگ سد وبنیدی
زحلہ بدایت محکمہ سندن طلب وادعا ایتمسنہ قارشو

مدعی علیہ مزبور طنوس دخی دعوی واقعہ
حقندہ مقدما محکمہ دن صادر اولان اعلامدہ
اصل بایع اولان جورچی غرہ نام کسنہ علیہندہ
اعطای حکم اولدیغندن ودعوادہ مرور زمان
بولدیغنی جہتلہ بتکرار رؤیتی صلاحیتی خارجندہ
ایدوکنی مدافعہ تذکار و برقطعه اعلام ابراز
واعطا ایتمسی اوزرینہ عند الحاکمہ دعوی
مبحوث عنہا حقندہ مقدما لاحق اولان حکمدہ
منازع فیہ لنگ طریق وصو تحتندہ اولہرق
برکر انشاسیلہ جریان ایتدیرلسی لزومی
کوسترلش ایسہدہ اشبو حکمدن مدعینک
معلوماتی اولدیغنی بیان ایلسیلہ جانب محکمہ دن
تعیین قلنان ہیئت کشفیہ جانبندن ویریلان تقریر
ایلہ طیب طرفندن اولبابدہ تنظیم اولنان راپورده
مذکور لنگ حال حاضر ی مضر صحت اولدیغنی
کوسترلش اولسنہ مبنی مجلہ نک بیک ایکوز
وبیک سکز یوز یکریمی برنجی و اصول محاکمہ
حقوقیہ قانونک التمش ایکنجی مادہ لری موجبہ
منخرقاتک تحت الارض برکر انشاسیلہ جریان
ایتدیرلسنہ مزبور طنوسک مجبور طوئلسنہ دائر
ویریلان اعلام علیہندہ طرفین جانبندن عدم
قناعتلہ اقامہ اولنان استیناف دعواسنک جریان
ایدن محاکمہ و تدقیقات نتیجہ سندن حکم ابتدائیک

فسخیلہ دعوی مبحوث عنہا حقندہ مقدما بدایہ
ویریلوب کسب قطعیت ایتمش اولان اعلامدہ
حکایہ اولدیغنی وجہلہ مذکور لنگ منخرقاتی
اخراج ایچون برنجرہ نک وجودینہ احتیاج سی
تصادق طرفین واجرا قلنان کشف ایلہ تحقیق
ایتمش اولسنہ مبنی مجلہ نک سکزیوز او توز برنجی
مادہ سی موجبہ دعوانک بدایت محکمہ سنجہ
تکرار رؤیتی صلاحیتی خارجندہ بولنمش و طیب
راپورندہ بیان اولنان ضررک دخی مدعی
مرقومک سکناسی واجتماع ناس ایچون محل
مذکورده بریری اولدیغنی ثابت اولہ مامش
اولدیغندن کر انشاسنہ لزوم اولدیغنی حکمدن
اشبو حکم علیہندہ مستدعی وکیلک باشلوجہ
اعتراضی مؤکلنک خصمی طرفندن خانہ سی
باغچہ سی کشاد اولوب مضرتی محقق اولان
سالف الذکر لنگ سد وبنیدی حقندہ اقامہ
اولنان دعوانک بحکم المجلہ منی اقتضا ایدر ایکن
محکمہ مذکورہ جہ ابقاسنہ حکم اولنسی مغایر
قانون اولدیغندن بحثلہ اعلامک نقضی استدعاسندن
ومدعی علیہ طنوس فارس نیقولہ نک لایحہ سندنہ
مندرج نتیجہ جوابی دخی حکم واقع موافق
اصول و قانون اولدیغنی بیانیلہ اعلامک تصدیقی
طلبندن عبارت بولنمشدر

ایجابی لدى المذاکره اعلام مذکور مآلندن
اکلاشلدینی اوزره محکمه استینافیه جه مدعا به
ضرر فاحشک تحقیقه مبنی ضرر مذکورک نه وجهله
دفعی ممکن ایسه دفع ورفعی بحکم المجله مقتضی
ایکن عند الاستیناف محل منازع فیهک مسکن
ویا جمع ناس اولدینی سر رشته سیله ضرر واقعک
ابقاسنه حکم اولنمی یولسز و اصول و قانونه
مخالف و مستدعی وکیلک بوجهته متدائر اولان
اعتراضی موافق نفس الامر کورنمش اولدیغندن
اصول محاکمه حقوقیه قانونک ایکوز اوتوز
ایکنجی ماده سی موجبجه اعلام مذکورک نقضیه
قانون مزبورک ایکوز قرق دردیجی ماده سی حکمنه
توفیقاً کیفیتک بالرؤیه اعلامه ربطی ضمننده محکمه
مرقومیه اعاده سنه وزیرده مفرداتی مرقم درتیوز
درت بحق غروش مصارف تمیزیه نک ایلروده
حقسز حقیقه جق طرفه رجوع ایتک اوزره
اول امرده مستدعی مرقومدن استیفا سنه ۲۶
نيسان سنه ۳۱۱ تاریخنده متفقاً قرار ویرلدی .

سلیمانیه ده التمش بش نومرولی قهوه ده مقيم
داوید ولد اوخانس ایله وان قصبه سنک طوبجی
اوغلی محله سنده ساکن توتونجی اوغلی بدروس
ولد سیمون پینده متحدث دعوايه دائر وان بدایت
محکمه سندن ۲۳ نيسان سنه ۳۱۱ تاریخی واون
ایکی عددیه صادر اولان اعلام مرقوم داوید
طرفندن تمیز اولنغله طرفینک اعتراض وجواب
لا یحضر لیه بالمطالعہ تدقیقات تمیزیه اجراسنه ابتداء
اولندی

اعلام مذکورک خلاصه مآلی مرقوم
بدروسک بر قطعه سند موجبجه مزبور داوید
ذمتده الهجفی اولان التمش سکر عدد لیرای
عثمانینک استیفا سی ضمننده مرهون بولسان
معلوم الحدود خانه و باغچه سنک سکسان سکر
حصه ده اون درت حصه نک فروختیه اتمانندن
تسویه دین ایتدیرلنسنه دائر محکمه مذکورده دن
صادر اولان اعلام غیابی علیه مرقوم داوید
طرفندن اعتراض علی الحکم استدعای اعطا
واثنای محاکمه وجاهیه ده اساس دین یکر می
طقوز لیرادن عبارت اوله رق اوست طرفی
فاحش فائض اولدینی کبی مرهون مذکور
مواضعه داین مرقوم عهده سنده بولندینی بیان

وادعا اولنمی اوزرینه جریان ایدن محاکمه
وتدقیقات نتیجه سنده معترض مرقوم مواضعه
حقننده کی اعتراض مذکور سی سنداً اثباتدن
اظهار عجز ایله طالب تحلیف اولدینه ولدی
الاستخلاف معترض علیه مرقوم بدروس تکلیف
اولسان یمینی بالقبول حضور هیئنده اجرا
ایلدیکنه بناءً بحمله نک بیک سکر یوز اون
طقوزنجی ماده سی حکمنه توفیقاً اعتراضات
واقعنه نک ردیه اعلام معترض بهک تصدیقه
حکمدن و مستدعی تمیزک اشبو اعلام علیه نه
لا یحضر سنده محرر باشلوجه اعتراضی مرقوم بدروس
صرافندن اولسی جهته یدنده بولنان سندات
و دفاترک تدقیقه اساس دینک تحقیق ایلمسی
اقتضا ایدرکن محکمه جه بوجهتک نظر دقه
الخامسی مخالف قانون اولدیغندن بحمله اعلامک
نقضی ومدعی علیه لا یحضر سنده مندرج نتیجه
اجوبه سی دخی اعتراض مذکورک واهی و بی
اساس اولدینی بیانیله ردی و اعلام مذکورک
تصدیقی طلبندن عبارت بولنمشدر

ایجابی مذاکره اولندقدہ اعلام مذکور
مندرجاتندن منضم اولدینی اوزره مرقوم داوید
اثنای محاکمه ابتداء سنده اساس دین یکر می طقوز
لیرادن عبارت اولوب اوست طرفنک فاحش

فائضدن عبارت اولدینی ادعا ایتمش اولسیله
محکمه جه مراجعہ نظامنامه جدیدی حکمنه توفیقاً
مرقوم داویدک اشبو فاحش فائض ادعاسنک
استماعله اثبات ایتدیرلنک و اثباتدن اظهار عجز
ایلدیکی تقدیرده طالب تحلیف اولوب اولدیغنک
سؤالیه طالب اولدینی تقدیرده خصمک تحلیفی
اجرا قلندقدن صکره اعطای حکم اولنق لازم
کلور ایکن بودائرة قانونیه ده اجرای معامله
اولنمسی یولسز و مغایر قانون اولدینه و مستدعینک
اعتراضی دخی بوجهته متدائر اوله رق شایان
قبول بولندینه بناءً اصول محاکمه حقوقیه
قانونک ایکوز اوتوز ایکنجی ماده سی موجبجه
اعلام مذکورک نقضیه و قانون مذکورک ایکوز
قرق دردیجی ماده سی حکمنه توفیقاً کیفیتک
بالرؤیه اعلامه ربطی ضمننده محکمه مذکوریه
اعاده سنه وزیرده مفرداتی مرقم اوچیوز قرق اوچ
بحق غروش مصارف تمیزیه نک ایلروده حقسز
حقیقه جق طرفه رجوع ایتک اوزره اول امرده
مستدعی تمیزدن الخمسنه ۲۳ نيسان سنه ۳۱۲
تاریخنده متفقاً قرار ویرلدی .

دیار بکرک خان زاده محله سنده ساکن
 زراعدن عمر ایله دیار بکرک جامع کیر محله سنده
 مقیمه فقرا اوغلی مصطفی اغانک کریمه سی و برادر
 زاده سی صغیر مصطفی انک و صیبی ایش خاتون
 بیننده متحدت دعوایه دایر دیار بکرک استیناف
 محکمه سندن ۱۳ مایس سنه ۳۱۱ تاریخچی و بش
 عددی ایله صادر اولان اعلام مرقوم عمر طرفندن
 تمیز اولمغله باش مدعی عمومیلک مأموریت
 علیه سنک مطالعه نامه سی الندقدن صکره اعلام
 مذکور یالکیز مستدعینک اعتراض لایحه سیله
 بالمطالعه تدقیقات تمیزیه اجرا سنه ابتدار اولندی

اعلام مذکورک خلاصه مآلی مرقوم عمر
 ایله مزبور ایش خاتون بیننده متکون اراضی
 اجاره سی اوله رق معلوم المقدار ذخائر دعواسنه
 دایر دیار بکرک بدایت محکمه سندن صادر اولان اعلام
 علیه مرقوم عمر طرفندن استیناف استدعای
 اعطا قلمش ایسه ده اولبایده جریان ایدن محاکمه
 و تدقیقات نتیجه سنده ذخائر مطلوبه ایکی حصیه
 یعنی نصفی ایش خاتونه و نصف دیگر صغیر
 مصطفایه عابد بولندیغندن استیناف استدعاسیله
 کفالتنامه ده بالاصاله وبالوصایه مستأنف علیها
 بولنان ایش خاتون حقنده استیناف ایدلدیکی

و ضرر و زیان و مصارف سائر لری تحت تأمین
 الندیغی مقید بولنسی لازم کلور ایکن استدعای
 مذکورده بوجهت تصریح ایدلدیکندن دعوی
 استینافک یالکیز بالاصاله مزبوریه عابد اولدیغی
 اکلاشلش و مزبور مک حصه سی ایسه بشیک
 غروشدن دون بولنش اولسنه بناء اصول
 محاکمه حقوقیه قانونک یوزیتش برنجی ماده سی
 موجبیه استیناف استدعاسنک ردینه حکمدن
 و مستدعی تمیزک اشبو اعلام علیه ده لایحه سنده
 محرر باشلوجه اعتراضی اعلام مستأنف بهک عیناً
 و یا خلاصه اعلام مذکورده درجی اقتضا ایدرایکن
 محکمه مذکورده بوجهت نظر اعتباره النیه رق
 مسکوت عنه براغلی مغایر قانون اولدیغندن بمحله
 اعلام مذکورک نقضی استدعاسندن و مطالعه نامه
 مذکور مفادی دخی استیناف استدعای نامه سیله
 کفالتنامه نک رد استدعایه دایر اولان اعلام
 استینافیده مندرج اولدیغندن اعتراض مذکورک
 موافق قانون کوریه مدیکی بیاندن عبارت
 بولمشد

ایجابی مذاکره اولدقدن اعلام مذکور
 مندرجاندن منقهم اولدیغی اوزره استیناف
 استدعاسنده کفالت سندن بالاصاله وبالوصایه
 خانم مومی الیا علیه ده اقامه دعوی ایدلدیکی

تصریح اولدیغندن دعوی استینافیه یالکیز خانم
 مومی الیهیه عابد اولدیغندن و مزبور ایش
 خاتونک حصه سی بشیک غروشدن دون
 اولدیغندن بمحله استدعای مذکورک ردینه حکم
 اولمغش ایسه ده اعلام مستأنف به مآلی تمیز اولنان
 اعلامه درج اولدیغی جهتله دعوی واقعه
 مقدار معین اوزرینه می یوقسه غیر معین
 اوزرینه می اقامه اولمشددر بورالری اکلاشیه مامش
 اولدیغی کی استیناف استدعاسیله کفالتنامه مآلی
 دخی درج ایدلامش و دعوی استیناف مجموع
 حکم علیه می یوقسه یالکیز ایش خاتونک
 حصه سی علیه می اقامه اولمشددر بودخی
 اکلاشیه مامش و بصورت ایسه اصول و قانونه
 مغایر بولنش اولدیغنه بناء اصول محاکمه حقوقیه
 قانونک ایکوز اوتوز ایکنجی و ایکوز قرق
 برنجی ماده لری موجبیه اعلام مذکورک نقضه
 و قانون مزبورک ایکوز قرق درنجی ماده سی
 حکمنه توفیقاً کیفیتک بالرؤیه اعلامه ربطی ضمنده
 محکمه مذکوریه اعاده سنه و وزیرده مفرداتی مرقم
 اوچوز طقسان اوچ بحق غروش مصارف
 تمیزیه نک ایلروده حقسر چقه جق طرفه عابد
 اولق اوزره اول امرده مستدعی تمیزدن النسنه

۳۱ تشرین اول سنه ۳۱۲ تاریخنده متفقاً قرار
 ویرلدی .

چار سنجاق بدایت محکمه سندن ۳۱ تشرین ثانی
 سنه ۳۰۵ تاریخچی والی عددیله ویریلان اعلامک
 تمیزینی استدعا ایدن پری قصبه سنک حرمنلر
 محله سنده ساکن امرشاد اوغلی بغده سار ایله
 مدعی علیهم محله مذکورده اهالیسندن حق الماز
 اوغلی اغوب و قصبه سار و مریم قادین یوم معینه
 دایره کلدکارندن اصول محاکمه حقوقیه قانون
 موقتک ایکی یوز یکرمی طقوزنجی ماده سی
 موجبیه تدقیقات تمیزیه اجرا سنه ابتدار اولندی

اعلام مذکورک خلاصه مآلی مزبور
 بغده سار شراء تحت تصرفده بولنان فراچ نام
 محله واقع برقطعه ملک باغ و باغچه بی مرقوم
 اغوبه ایجار ایش ایسه ده بدل ایجاری اولان
 یوزاللی غروشی اعطا و مأجوری تخلیه ایتماکده
 اولدیغندن بمحله مداخله سنک معنی و خانه سنه
 نقل ایدلکی اوزوم محصولک تحت محافظیه
 النسیله بدل ایجار مذکورک تحصیلنی طلب

ودعوى ايتمى وعند المحاكمه مدعى عليه مرقوم
اغوب مذکور باغ ايله باغچه کندوسى مداخله
ايتيوب زوجہسى مریم ايله اوغلى قصبارك
مذکور بغدادساردين شراء ماللىرى ايدوکنى
درميان ايلسى اوزرينه مرقومان دخی داخل
دعوى ايديلهرك مذکور باغی مرقوم بغدادساردين
ايكى بيك غروشه صتون الوب بيك ايکي يوز
غروشنى دخی تأديه ايدوب سکنز يوز غروش
دينلری قالدیغنى مدافعة درميان ايتلری اوزرينه
جریان ايدن محاکمه و تدقیقات نتیجه سنده منازع فيه
باغی مرقومان مریم وقصبارك مزبور بغدادساردين
اشترا ايدرك بدل شرادن دخی بيك يوز طقسان
اوچ غروشتى ايفا ايدلیكى اولابده اقامه واستماع
قلنان شهودك شهادتيله تحقق ايتش اولوب انحق
اصولى دائره سنده معامله فراغیهسى اجرا
اولمديغنى جهته بيع مذکورك معتبر اوليه جفته
بناءً سالف الذکر بيك يوز طقسان اوچ
غروشك مرقوم بغدادساردين تحصیليله مرقومان
مریم وقصباره اعطاسنه ومنازع فيه باغك دخی
مرقوم بغدادساره تسليحه حکمدن ومستدعى تمیز
بغدادسارك اشبو قرار علیهنده لایحه سنده محرر
باشلوجه اعتراضی مدعابه باغی کندوسى هیچ
کیمسه به بیع ایتدیكى حالده محکمه به بوجهتك نظر

دقته الخامسى مخالف قانون اولديغدن بجهته
اعلامك نقضی استدعاسندن ومدعى علیهمك
لايحه جوابیه لری مالى دخی حکم واقع موافق
قانون اولديغنى بیانیله اعلامك تصدیقی طلبندن
عبارت بولمشد
ایجابی لى المذاکره اعلام مذکور
مطالعہ سندن منقہم اولایغى اوزره منازع فيه باغ
ایله باغچه املاك صرفه دن اولوب مدعى بغدادساردين
مدعى علیهمدن مریم وقصبارك بدل معلوم
مقابلنده اشترا ایدلکری عند المحاکمه تحقق ايتش
اولسیله مرقومانك یدلرندہ ابقاسی لازم کلورایکن
محکمه مذکورجه بوراسنه دقت ایدلیرك بدل
فراغك مرقومانه ردی ايله مدعابه باغ وباغچهك
مرقوم بغدادساره تسليحه حکم ایدلسی مخالف
اصول وقانون اولديغنه بناءً اصول محاکمه حقوقیه
قانوننك ایکوز قرق برنجی مادهسى موجبجه
اعلام مذکورك نقضيله قانون مذکورك ایکوز
قرق دردنچی مادهسى حکمنه توفیقاً کیفیتك
صورت مشروحه دائره سنده یکیدن بالرؤیه اعلامه
ربطی ضمیمه محکمه مذکوریه اعاده سنه وزیرده
مفرداتی مرقم بشیوز یتش بر غروش مصارف
تمیزیهك ایلروده حقسنر چیه جق طرفه رجوع
ایتمك اوزره اول امرده مستدعى تمیز بغدادساردين

السنه ۲۶ نيسان سنه ۳۰۸ تاریخندہ متفقاً قرار
ویرلدى .

مقری کوینده خانه سنده مقیم متوفی انسطاش
زوجہسى مانیو قادین ايله لیون اسکله سنده
مغازده ساکن مستخدمیندن استاوری ولدصاوه
پینده متکون دعوايه دائر ایکنجی محکمه تجارندن
۲ کانون اول سنه ۳۱۲ تاریخى وبشیوز قرق
اوچ عددی ايله ویریلان اعلامك تمیزی مزبوره
مانیو قادین طرفندن استدعا ایدلکله اعلام
مذکور باش مدعى عمومیتك مأموریت علیهنك
مطالعہ نامه سی التهرق طرفینك اعتراض وجواب
لایحه لرله بالمطالعہ تدقیقات تمیزی به اجرا سنه ایشدار
اولندی

اعلام مذکورك خلاصه مالى مرقوم
استاوری نك مزبوره مانیو قادینك میوه خشکده
سرکى مخصوصنده استخدامندن طولای اجر
مساجدن غیر از مأخوذ درتیبك يوز غروش
الهجفی اولوب بونك عدم ثبوتی تقدیرده ذاتاً اجرت
ایله خدمت ایدر مقوله دن بولنديغندن تعیین

اولنه جق اجر مثلك تحصیلى طلب ودعوى
ومدعى علیهمانویو قادینك یدنده بولنان دفتر محکمه به
کتورلیدیکی تقدیرده صدق مدعاسی تظاهر
ایده جکنی بیان وانبا ایتسنه قارشو مزبوره مانیو
قادین وکیلی مؤکلهسى یدنده اولان دفترده
بوخصوصه دائر بر قید موجود ایسه مؤخرأ
مذکور قیدك عدم قبوله دائر مؤکلهسى طرفندن
شرح ویرلیدیکی ومع مافیه دفتر مذکورى ابرازہ
قانوناً مجبوریقی اولمديغنى درميان ايتش ایسه ده
ویریلان قرار اوزرینه مذکور دفتر ابراز و محکمه به
مطالعہ اولنهرق سبق ایدن مذاکره و تدقیقات
نتیجه سنده سالف الذکر دفترده محرر قیده استناداً
مرقوم استاوری نك الهجفی اولديغنى تحقق ایدن
اوچیک بشیوز اوتوز التی غروشك مانیو
قادیندن مع فائض تحصیلنه حکمدن ومستدعى
مزبوره مانیو قادینك لایحه سنده محرر اعتراضاتك
باشلوجه لری کندوسى متوفی زوجنك مغازه سنده
استخدام اولنديغنى ادعا ايله دعوايه قیام ایدن
استاوری نك کندوسنه قارشو حق خصومتی
اولمديغنى کبی اولسبيله دعواى واقعہك محکمه
تجارجه رؤیتی وظیفه خارجنده اولديغنه ومدار
حکم اتخاذ ایدیلان دفتر مدعى مرقومك انشای
استخدامنده کندوسى طرفندن تریب وتحریر

اوله رق دفاتر سائر ايله مربوطی اولیان دفتر مذکورک بر صحیفه سنده تصنیع ایدلش اولان حساب اشارتی قبول ایتماش ایکن محکمه جه بو جهتلر نظر دقه التفسیرین بر منوال محرر محکومیتی طرفه کیدلدیکنه بناءً اعلام مذکورک تقضی و لایحه جوابیه مؤداسی دخی اعتراضات واقعنک واهی و بی اساس اولدینی بیانیله ردی و اعلام مذکورک تصدیقی استدعاسندن و سالف الذکر مطالعه نامه مالی دخی طرفینک صفترینه و نوع دعوایه نظراً وظیفه حقنهمکی اعتراضک موافق قانون اولدینی بیانندن عبارتدر اول امرده مستدعی تمیز طرفندن درمیان اولنان وظیفه اعتراضی تدقیق ایدیلرک غیر وارد اولمسیله ردی قرارگیر اولدقدن صکره اساس مادهنک ایجابی مذاکره اولدقدن اعلام مذکور مندرجاتندن منقهم اوزره محکمه جه مدعی علیها مزبورده مانو قادین طرفندن ابراز اولنان دقتده کی قیده استناداً مبلغ مدعاهک کندوسندن تحصیلنه قرار ویرلش ایسه ده قید مذکورک کندو یازوسی اولیوب مدعی استاورینک یازوسی ایدوکنی مزبورده مانو سولیکده اولمسنه و قید مذکورک کیمک یازوسی ایدوکنه دائر تدقیقاتی اجرا ایدلدیکی حقنهم اعلام میز بهده صراحت

اولماسنه و بوا یسه نقصانی تدقیقاتندن معدود اوله رق قانونه مغایر بولندیغه بناءً اصول محاکمه حقوقیه قانوننک ایکوز قرق برنجی ماده سی موجبیه اعلام مذکورک نقضنه و ایکوز قرق در دنجی ماده سی حکمنه توفیقاً کیفینک اعلامه ربطی ضمنتده محکمه مذکوریه اعاده سنه وزیرده مفرداتی مرقم اوچوز طقسان سکنز بچق فروش مصارف تمیزیه نک ایلروده حقنهم چقه بچق طرفه رجوع ایتک اوزره اول امرده مستدعی مزبورده مانو قادیندن التمسنه ۱۷ نیسان سنه ۳۱۳ تاریخنده متفقاً قرار ویرلدی .

ازمیرده شیشه جیلر ایچنده اسپارته لی مسافرخانه سنده مقیم تجاردن عشاق زاده سعادتلو صادق بک افندی ايله ازمیرده بمشجیلر ایچنده ساکن تجاردن بلجی زاده محمد نوری افندی پیننده متکون دعوایه دائر محکمه استیناف تجارت قسمندن ۴ کانون ثانی سنه ۳۱۲ تاریخی و یوز یکرمی عددی ايله ویریلان اعلام مومی ايله صادق بک افندی جانبندن تمیز ایدلدیکی کی

مدعی علیه مومی ایه نوری افندی طرفندن دخی مقابله تمیز ایدلکله اعلام مذکور طرفینک اعتراض و جواب لایحه لریله بالمطالعه تدقیقات تمیزیه اجراسنه استدار اولندی

اعلام مذکورک خلاصه مالی مومی ایه صادق بک ايله نوری افندی میانه لرنده متکون دعوایه دائر و مومی الیهک ادعا ایدلدیکی مبالغه مقابل وقوعبولان اوچوز لیرا تسلیات حقنهم صادق بکه توجه ایدن یمینی اجرا ایچون وجودینه لزوم کورلیدیکندن بختله کندوسنک محکمه یه جلبنه محل اولدیتنه و اون سکنز لیرا فاحش گذشته نک تزییلله اوست طرفنک مع فائض تحصیلنه و مدیون مومی الیهک اموال غیر منقوله سندن مبلغ مدعاهه کفایت ایده جک مقداری اوزرینه موضوع حجزک تصدیقنه و اوزوم ارضیه سی اوله رق ارامقده اولدینی یکرمی لیرا دعواسنک وظیفه خارجنده اولدینی بیانیله ردینه متدار بولنان اعلام غیابینک اعتراض علی الحکم طریقله فسخی طلبنی محتوی مومی ایه نوری افندی طرفندن اعطا قلنان عرضحال اوزرینه واقع اولان دعوتیه مومی ایه نوری افدینک اجابت ایتما سندن طولانی عرضحال مذکورک دخی ردینه دائر

ازمیر تجارت محکمه سندن صادر اولان اعلام علیهنده مومی ایه نوری افندی طرفندن استیناف دعوایه قیام اوله رق سبق ایدن محاکمه و تدقیقات نتیجه سنده بومقوله معامله تجاریه دن متولد بر دینک تأمین استیفاسی ضمنتده محاکم تجاریه اموال غیر منقوله اوزرینه حجز وضع ایده بیلور ایسه ده تصدیقنه وظیفه دار اولدینی کی بومثللو ذات مصلحتندن منبعث وظیفه مسائلنک محکمه جانبندن رأساً تدقیق لازمه دن بولنمی جهتله مستأنف علیک اعلام مستأنف بک حجزک تصدیقنه دائر اولان فقره حکمیه سنک فراغت ایتسی حکم ابتدائینک بوندن طولانی فسخته مانع اوله میه جنی بیانیله اعلام مستأنف به ايله مبنی علیهی اولان اعلام غیابینک یالکز بوجهندن طولانی فسخیله کیفینک استینافاً تدقیق ورؤیتی تحت قراره اله رق یوم آخره تعلیق مصلحت اولدینی حالد یوم معینده مستأنف مومی ایه نوری افدینک عدم اجابتیه مبنی استیناف استدعاسنک ردیه حق محاکمه سنک سقوطنه قرار ویریلرک اشو قرار علیهنده دخی افندی مومی ایه طرفندن اعتراض علی الحکم عرضحالی اعطا اولمسیله طرفینک وجاهاً محاکمه سنه استدار و برطاق مقررات اعطا اولدینی حالد اخیراً تعیین قلنان کونده معترض مومی ایه نوری

افنديك ينه ورود ايتامسنة بناء مذكور اعتراض
 عرضخالنك ردينه حكمدن ومستدعي تميز صادق
 بك افنديك اشبو حكم عليهنده لايحه سنده محرر
 اعتراضاتك باشلو جه سي اعلام مستأنف بهك
 محكمه استينافيه جه فسخ اوله رق اساس دعوانك
 استينافاً رؤيته قرار ويرلش اولمسنه كوره
 مستأنف اولان نوري افنديك مدعي عليه صفتي
 اكتساب ايدجكي و بناء عليه يوم معينده ورود
 ايتامسي جهتيله وكيل مسخر تعيين اوله رق غيابة
 دعوانك اكمل واتمامي لزومي قانوناً دركار ايكن
 بوجهتلك نظر دفته التامسي مغاير قانون
 اولديغندن بحثله اعلامك نقضي وبالقباله تميز
 دعوى ايدن نوري افنديك لايحه سنده مندرج
 نتيجة اعتراض دخی كندوسنه تبليغ ايديلان
 دعوتيه ورقه سنده مذكور ورقه نك تبليغي
 تاريخندن اعتباراً اون بش كون ظرفنده محرر
 اوله رق اشبو اون بش كونك هر برنده اجرائي
 محاكميه قابليت ويرلش محكمه ورودي و بناء عليه
 كندوسي يوم محاكمه دن قطعي صورته خبردار
 ايدلماش اولديغي حالده محكمه استينافيه جه
 اعتراض عرضخالنك ردينه قرار ويرلسي نقضي
 موجب خطيئات قانونيه دن اولديغي بيانيله
 اعلامك بوجهتلدن طولاي نقضي استدعاسندن
 عبارتدر

ايجابي مذاكره اولندقده اعلام مذكور
 مندرجاتندن منفهم اولديغي اوزره محكمه مذكور جه
 معترضك دعوت واقعه به عدم اجابتدن طولاي
 اعتراض استدعاسنك ردينه قرار ويرلش ايسه ده
 محكمه استينافيه دن جلب ومطالعه اولنان احضار
 ورقه سنك اون بش كون ظرفنده امر محاكمه نك
 اجرا قلنه جنجى محرر اولوب معين بر كونه بيان
 وتصريح ايدلماش اولديغنه نظراً صورت احضار
 موافق قانون اولديغندن حكم وقع قانونه مغاير
 وبوجهته متفرغ اعتراض موافق نفس الامر
 اولديغنه بناء اصول محاكمه حقوقيه قانونك
 ايكوز اوتوز ايكنجي ماده سي موجبجه اعلام
 مذكورك نقضنه وايكوز قرق درديجي ماده سي
 حكمه توفيقاً كيفيتك اعلامه ربطى ضمننده قسم
 مذكور اعاده سنه وزيرده مفرداني مرقم
 اوچيوز سكسان سكر بچق غروش مصارف
 تميزه نك ايلروده حقير چيقه جق طرفه رجوع
 ايتك اوزره اول امرده مستدعي تميزدن التمسنه
 ۵ تموز سنه ۳۱۳ تاريخنده متفقاً قرار ويرلدى .

اعمال

بك اوغلنده تپه باشنده شيخ اپارتماننده مقيمه
 صوفيه فائده ميرى قادينك تبعه دولت عليه دن اقامتگاهي
 مجهول اه ويردى نظرت افندي عليهنه در سعادت
 ايكنجي تجارت محكمه سندن اون بش عدد ليراي
 عثمانيك مع فائض ومصارف محاكمه تحصيلي حكمي
 حاوي استحصال ايلديكي ۲۰ كانون اول سنه ۳۱۵
 تاريخلو ودر تيوز اوتوز نومرولى اعلام غياينك
 برقطعه صورت مصدقسي محكوم عليه مومى اليك
 اقامتگاهي مجهول بولنديغي جهته اصول محاكمه
 تجارت نظامنامه سنك يكر منجي ماده سنك درديجي
 فقره سي احكامنه قياساً كندوسنه تبليغ اولنش
 عد اولنقى اوزره محكمه نك ديوانخانه سنه تعليق
 اولنديغي كى اوراق حوادث واسطه سيله دخی اعلان
 قلندى .

۶ شوال سنه ۳۱۷

۲۵ كانون ثانی سنه ۳۱۵

طوپاليان خاننده اون يدي نومرولى او طه ده
 مقيم تجار دن وتبعه دولت عليه دن طاطيوس
 هانس يانك امور تجاريه ايله مشغول ايكن اليوم
 اقامتگاهي مجهول بولنان تبعه دولت عليه دن
 قيطانجيان ميساق عليهنه در سعادت ايكنجي
 تجارت محكمه سنده امره محرر برقطعه سندن
 موجبجه اقامه ايلديكي ايكوز عدد ليراي عثماني
 مطلوبات ادعاسي اشبو بيك اوچيوز اون بش
 سنه سي شياطك طقوزنجي چهارشنبه كوني
 ساعت التيده فصل ورؤيت اولنه جفتدن يوم
 ووقت مزبورده مدعي عليه مرقوم ميساق
 قيطانجيانك بالذات محكمه مذكورده حاضر
 بولنسي وياخود مصدق سنده بروكيل كوندرمى
 لازم كله جكي وشايد كلز ووكيل دخی كوندرمى
 ايسه حقتده معامله غيايه اجرا اولنه جنجى معلوم
 اولق اوزره تنظيم اولنان دعوتيه ورقه سي
 محكمه نك ديوانخانه سنه تعليق اولنديغي كى اوراق
 حوادث واسطه سيله دخی اعلان به ابتدار قلندى .

۶ شوال سنه ۳۱۷

۲۵ كانون ثانی سنه ۳۱۵

از میرده پرمق قپوده مقیم . ژ . م . قوندولی
 وقومیانیه سی علیه نه و المانیا دولتی تبعه سندن
 المانیانک روسوروف شهرنده ساکن فابریقه تور
 موسیو سی . ژ غایشلر ناشف نام کمسنه لهنه
 از میر محکمه تجارتندن ویریلان ۲۰ تموز سنه
 ۳۱۴ تاریخلی و ۱۳۱ نومرولی قرار قرینه
 اعلامی حکمی علیه نه مومی الیه ژ . م . قوندولی
 طرفندن در سعادت محکمه تجارتی برنجی مجلسنده
 اقامه اولنان استینات دعواسنک فصل ورؤیتی
 ضمتنده تنظیم اولنان دعوتیه ورقه سی المانیالو
 مومی الیه فابریقه تور موسیو سی . ژ . غایشلر ناشفه
 برای تبلیغ خارجیه نظارت جلیله سی واسطه سیله
 برلین سفارت سنیه سنه ارسال قلنیش ایسه ده
 ورود ایدن جوابده مذکور تجارت اوینک
 الیوم موجود اولدینی بیلدیرلش و مستأنف
 مومی الیه ژ . م قوندولی وقومیانیه سنک وکیلی
 نیقولاک و لایوان دعوی مذکور سنک فصل
 ورؤیتی ضمتنده تنظیم اولنان مذکور دعوتیه
 ورقه سنک اعلانا تبلیغنی طلب ایلش اولمغله
 لاصول محاکمه تجارت نظامنامه سنک ماده

مخصوصه سی موجب دعوی مذکور بیک اوچوز
 اون بش سنه سی شباطنک اون التجی چهارشنبه
 کونی ساعت التیده فصل ورؤیت اولنه جفندن یوم
 ووقت مزبورده مستأنف علیه مومی الیه سی .
 ژ . غایشلر ناشف نام کمسنه نک بالذات محکمه ده
 حاضر بولنمسی ویاخود مصدق سندله بروکیل
 کوندرمسی لازم کله جکی وشاید کلز و وکیل دخی
 کوندرمسی ایسه حقنده معامله غیایه اجرا
 اولنه جفی معلوم اولتی اوزره بوکره مجدداً تنظیم
 اولنان دعوتیه ورقه سی محکمه نک دیوانخانه سنه
 تعلیق اولدینی کبی اوراق حوادث واسطه سیله
 دخی اعلان قلندی .

۷ شوال سنه ۳۱۷

۲۶ کانونانی سنه ۳۱۵